



KËSHILLI I QARKUT BERAT
ZYRA JURIDIKE, BURIMEVE NJERËZORE, MARRËDHËNIEVE ME INSTITUCIONET

Adresa: Keshilli i Qarkut Berat, Blvd. "Republika" Tel&Fax: +355 (0) 32 234283, E-mail: keshilliqarkut_berat@yahoo.it

PROGRAMI I TRANSPARENCËS

I. HYRJE

Në përputhje me nenin 7 të ligjit Nr. 119/2014 "Për të Drejtën e Informimit" është përgatitur Programi i Transparencës për "Këshillin e Qarkut Berat"

Ky program përcakton kornizën ligjore të veprimtarisë së "Këshillit të Qarkut Berat" në kuadër të Ligjit Nr. 119/2014 "Për të Drejtën e Informimit".

Ky program vlerësohet si një mënyrë konkrete përmes së cilës Këshilli i Qarkut Berat ndërton dhe rrit transparencën e punës së tij, nën garancinë e Ligjit Nr. 119/2014 "Për të Drejtën e Informimit".

Informacioni i bërë publik në këtë program, synon të bëjë transparencën e veprimtarisë së punës Këshillit të Qarkut nëpërmjet pasqyrit të detajuar të tij në faqen zyrtare www.qarkuberat.gov.al, si dhe në mjediset e zyrave për publikun.

Dokumentacioni i bërë publik, do të jetë i përditësuar në formë e përmbajtje. Faqja zyrtare e Këshillit të Qarkut mundëson informacion për publikun pa kërkesë, në format lehtësisht të kuptueshëm. Në rubrikat e faqes zyrtare pasqyrohen edhe informacione që karakterizohen nga kufizime të identifikimit të të dhënave personale për shkak të ruajtjes së privatësisë së individëve/subjekteve të të dhënave, etj.

II. PARIME TË PËRGJITHSHME

Parimet kryesore në të cilat mbështetet Programi i Transparencës së Këshillit të Qarkut janë:

1. "E drejta për informim" është e drejtë Kushtetuese e parashikuar në nenin 23 të saj, e aksesueshëm nga të gjithë pa asnjë përjashtim.
2. Informacioni që lidhet me veprimtarinë e Këshillit të Qarkut publikohet në përputhje me legjislationin në fuqi.
3. Zbatimi korrekt i ligjit dhe dispozitave ligjore që rregullojnë në mënyrë të posaçme veprimtarinë Këshillit të Qarkut dhe përkatësisht: Ligji Nr. 139/2015, datë 17.12.2015 "Për vetëqeverisjen vendore"

4. Informacioni përshtatet në gjuhë të qartë e të kuptueshme.
5. Organ mbikqyrës i procedurave të informimit publik është Komisioneri për të Drejtën e Informimit dhe Mbrojtjen e të Dhënave Personale.
6. Rishikimi i programit të transparencës bëhet në përputhje me Nenin 5 të Ligjit 119/2014, “Për të drejtën e informimit”.
7. Informacioni publik pa kërkesë duhet të jetë:
 - i plotë;
 - i saktë;
 - i përditësuar;
 - i thjeshtë në konsultim;
 - i kuptueshëm;
 - lehtësisht i aksesueshëm;
 - i pajtueshëm me dokumentet origjinale në posedim të autoritetit publik.

III. INFORMACIONI QË BËHET PUBLIK PA KËRKESË

Në përputhje me këtë Program Transparence të miratuar, Këshilli i Qarkut Berat vendos në dispozicion të publikut në faqen e tij të internetit www.qarkuberat.gov.al dhe në mjediset e informimit publik, kategoritë e mëposhtme të informacionit:

- Strukturën organizative të Këshillit të Qarkut
- Tekstet e plota, të ligjeve, të akteve nënligjore, të kodeve të sjelljes, dokumente politikash, të manualit ose ndonjë dokument tjetër që ka lidhje me ushtrimin e funksioneve të tij dhe që prek publikun e gjerë; ato që duhen ndjekur për të bërë një kërkesë për informim, adresën postare dhe elektronike për depozitimin e kërkesave për informim, si dhe procedurat e ankimit të vendimit përkatës;
- Të dhëna për vendndodhjen e zyrave të Këshillit të Qarkut, orarin e punës, emrin dhe kontaktet e Koordinatorit për të Drejtën e Informimit;
- Mekanizmat monitorues dhe të kontrollit që veprojnë mbi autoritetin publik, përfshirë planet strategjike të punës, si dhe dokumente që përmbajnë tregues të performancës së autoritetit;
- Informacion për shërbimet që autoriteti i jep publikut, informacione dhe dokumente që kërkohen shpesh, çdo informacion tjetër që gjykohet i dobishëm nga autoriteti publik;
- Çdo mekanizëm dhe procedurë për bërjen e kërkesave dhe ankesave, në lidhje me veprimet ose mosveprimet e autoritetit publik, procedura, përmes së cilës personat e interesuar mund të paraqesin mendimet e tyre apo të ndikojnë në çfarëdo mënyre tjetër në hartimin e politikave apo ushtrimin e funksioneve të Këshillit të Qarkut, një përshkrim të thjeshtë të sistemit që përdor autoriteti publik për mbajtjen e dokumentacionit, të llojeve, formave të dokumenteve, si dhe të kategorive të informacionit që bëhet publik pa kërkesë.

- Informacion për procedurat e prokurimit, përkatësisht, sipas parashikimeve të ligjit nr. 9643, datë 20.12.2006, “Për prokurimin publik”, që kryhen për llogari të autoritetit publik, duke përfshirë: listën e kontratave të lidhura, shumën e kontraktuar, palët kontraktuese dhe përshkrimin e shërbimeve apo mallrave të kontraktuara, informacionin për zbatimin dhe monitorimin e kontratave, si dhe udhëzues e politika të ndryshme
- Informacion për shërbimet që autoriteti i jep publikut, përfshirë standartet për cilësinë e shërbimit, një përshkrim të kategorive dhe formave të ndihmës shoqërore, subvencioneve të dhëna nga autoriteti publik dhe të procedurave për ti përfituar ato, informacione dhe dokumente që kërkohen shpesh, çdo informacion tjetër që gjykohet i dobishëm nga autoriteti publik.

V. PUBLIKIMI

Në përputhje me këtë Program Transparence të miratuar, Këshilli i Qarkut Berat vendos në dispozicion të publikut në faqen e tij të internetit www.qarkuberat.gov.al dhe në mjediset e informimit publik, kategoritë e mësipërme, në një menu të veçantë të titulluar “Programi i Transparencës”.

VI. MONITORIMI

Komisioneri për të Drejtën e Informimit dhe Mbrojtjen e të Dhënave Personale monitoron zbatimin e ligjit për të drejtën e informimit, duke nxitur parimin e transparencës në punën e autoriteteve publike, veçanërisht duke sensibilizuar dhe informuar për çështje të së drejtës së informimit.

Komisioneri bën rekomandime për autoritetet publike, lidhur me konceptimin dhe zbatimin e programeve institucionale të transparences, nepermjet pasqyrimin te detajuar te tij ne faqen zyrtare www.idp.al.

Kryetari i Këshillit të Qarkut

Fatlli ADILAJ

Konc. Evis Plaku

B.Ligj. Dhimitër Pitikoja